

364

486

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo za obrazovanje, nauku  
i mlade



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry for Education, Science and  
Youth

Broj: 11/04-05-4415/16  
Sarajevo, 25.03.2016. godine

**SKUPŠTINA KANTONA SARAJEVO**  
n/r predsjedavajuće Skupštine Kantona Sarajevo

**PREDMET: Odgovor na zastupničku inicijativu, dostavlja se**

### ZASTUPNIČKO PITANJE

Zastupnik Edin Forto je dana 04.03.2016. godine, u skladu sa Poslovníkom Skupštine Kantona Sarajevo, pokrenuo zastupničku inicijativu:

*„Pokrećem inicijativu za povezivanje poduzetnika-proizvođača i škola u programe obrazovanja i informisanja pri osnovnim i srednjim školama u smislu izrade stalne saradnje i povezivanja kroz organizovane edukacije posjete i ekskurzije kako bi se podigla svijest mladih o važnosti malog i srednjeg poduzetništva, domaće proizvodnje i razvoja. S tim u vezi, tražim da ovaj program, a u skladu sa uzrastom, obuhvata i izradu biznis modela, razvojnih rješenja i prijedloga projekata koje bi škole mogle dalje razvijati kroz formu općinskih i kantonalnih takmičenja iz oblasti poznavanja poduzetništva.“*

### ODGOVOR

Ministarstvo za obrazovanje, nauku i mlade Kantona Sarajevo, podržava inicijativu zastupnika Edina Forto sa ciljem jačanja poduzetničkih kompetencija mladih kako kroz redovno obrazovanje tako i kroz realizaciju raznih projekata i aktivnosti koji se mogu realizovati kroz razne vidove saradnje škola i preduzeća. U tu svrhu ćemo zadužiti Prosvjetno-pedagoški zavod da planira i osmisli aktivnosti koje bi pospješile bolje i korisnije povezivanje škola sa zanatskim, uslužnim i proizvodnim preduzećima.

Koristimo se prilikom da Vas informišemo da je u decembru 2014. godine realizovana obuka stručnih savjetnika pedagoških zavoda iz BiH u okviru EU Projekta: „Poduzetničko učenje u obrazovnim sistemima BiH, faza II“ sa ciljem profesionalnog osnaživanja stručnih savjetnika na provođenju „Strategije poduzetničkog učenja u obrazovnim sistemima u BiH“. Obuka je realizovana u organizaciji Entrepreneurial Learning in BiH Education Systems – Phase II (ELES.BA) i uz podršku This projekt is funded by the EU. Stručni savjetnici su počeli provoditi diseminaciju programa za integraciju poduzetničke ključne kompetencije u školsko učenje u osnovnim i srednjim školama Kantona Sarajevo.

Škole, a posebno srednje škole za stručno obrazovanje i obuku, dogovaraju i organiziraju edukacione posjete i stručne ekskurzije određenim privrednim subjektima. Sa nekim preduzećima se zaključuju i ugovori za realizaciju praktične nastave, čime se



web: <http://www.monks.ba>  
e-mail: [mon@mon.ks.gov.ba](mailto:mon@mon.ks.gov.ba)  
Tel: + 387 (0) 33 256-128, Fax: + 387 (0) 33 562-218  
Sarajevo, Reisa Džemaludina Čauševića 1



omogućava da se vrijedni učenici dokazuju poslodavcima, a koji ih vrlo često zapošljavaju nakon što završe školu. Povezivanje učenika osnovnih škola i općeobrazovnih srednjih škola sa određenim preduzećima se ostvaruje kroz realizaciju projekata.

Smatramo da bi ove aktivnosti mogle biti bolje i efikasnije ukoliko bi se napravio okvirni plan razvoja i jačanja poduzetničkih kompetencija uključujući i mogućnost provođenja takmičenja iz poduzetništva. Postojanjem plana bilo bi lakše organizovati i angažovati zainteresovane strane, a društvo bi imalo višestruku korist, posebno mladi.

Ministarstvo za obrazovanje, nauku i mlade Kantona Sarajevo će i u narednom periodu podsticati provođenje svih programa koji jačaju poduzetničke kompetencije.

Dostavljeno:

- Skupštini Kantona Sarajevo,
- Ministarstvu
- a/a

